

《中國地方藝文薈萃》總委會 編

中國地方藝文薈萃

學苑出版社

臺灣卷·第四輯 拾

華東卷·第四輯

拾

中國地方藝文薈萃

《中國地方藝文薈萃》編委會 編

國朝金陵文鈔十六卷首一卷末一卷（四）

貴州师范学院内部使用

國朝金陵文鈔十六卷首一卷末一卷（四）

（清）陳作霖輯

據清光緒二十三年（一八九七）刻本影印

國朝金陵文鈔卷十三

端木埙

字子疇江甯人道光己酉優貢官至內閣侍讀

聖武賦

欽惟我

大清之應天撫民也仁育萬物義正千古綏徠以文戡定以武溫肅不偏廢德威有互用蓋莫敢侮矣

真人龍興遼海之澣由數期而基萬世憑尺土而奄九宇漢唐所不能媿商周靡得而伍焉

聖聖相繼覆育無垠視民如子篤祐本仁臣恐萬世之後武爲文勝而忘締造經營之勤義爲仁掩而隳蕩滌沈夷之勳非所以紹復

先烈丕揚

聖神靖內攘外體天綏人草野下士未窺蘭臺石室之策僅就魏氏源之所撰記鋪張鴻庥揚厲偉績述

聖武於斯文夫我

先聖之啟宇也蓋無不崎嶇艱難歷萬險而鞠謀之矣粵若高皇奮跡建州有甲十三敵愾同仇圖倫一戰遂走叛酋乃先同域兼弱攻昧或四人而摧全軍或單盾而先羣帥鑿磴東馬而登聯繩乘潦以濟故能開草昧而造邦哉同族之異志舉人斯得東暨海邦七憾告天爰始伐明遂戡撫順夷清河明人急脣齒之計於是有薩爾濟之戰二十四萬一舉蕩亡斯爲我

聖朝受命之符天討用彰東北諸部烏拉閒之旣翦烏拉次第鏟夷於是有虎爾哈之師有渥集之師有瓦爾喀之師毫

都造攻豐邑燕詒未竟之緒

文皇是耆於昭

文皇聖謀淵深纂就前緒有才如林撫索倫之騎射資干城與腹心南馴朝鮮再征而克

六飛親臨采入其國伐叛柔服先威後德西服蒙古若拉朽枯因林丹之不道恢大漠之遠圖矢隨落鴈弓墮驚狐天之所與順賞逆誅九白旣貢千乘先驅匪寇婚媾世婚

天家引領東歸萬眾喁喁其時中夏鼎沸明社岌岌我師和銳數道頻入再薄燕都三躡中原由冀及兗曠若無人又復下錦州之堅守取松山之援軍乘茲破竹堪集大勳繁

聖人之至德欲兩利而俱存猶啟導以通好甘自處於東垠茲用篤於

清祜致天庥之畢臻迨

章皇之繼統景命集以維新一戎衣而有天下遂四海之悉
臣夫家相負展周業已成唐皇弱冠爰始經營書契以來未
有得天下於委裘之日以
沖聖而奄八紘惟我

世祖受天之禎時至而應靡有與爭勅敵開關以倒戈壺漿
載道以奉迎爲勝國以復仇赫千古之義聲走巨寇於燕代
定神鼎於上京由是經略中原四征不庭賢藩名將奉天威
靈英王竝塞以西出豫王渡河而南征是爲追闖之師異道
而會於秦葉臣定三晉之地肅王徇全齊之城是并冀青兗
之所由清所至除苛斂剗竊據收豪俊滌山澤萬姓慶其更
生叢爾東南阻險旅拒福孽旣俘唐魯更樹忘復仇之大德

苟偏安以負固又有高李舊部九營十三家之徒鴟張江沱
蟻聚荆湖明孽資以俶擾阻義兵之先驅又有蘇常徽甯建
昌撫州之師奉庶孽以竊號爭弄兵於潢池又有遺老舊將
發憤披猖閩之二鄭浙之二張熏穴求君揭竿跳梁螳拒蝟
起沸羹蝸蟻大江之南直接炎荒兵氛際天血流滂滂語其
人心則一代養士之報節義相砥非夫倉卒陷賊脅從者比
其名號則殷頑祿父相資而起非若流氛肆擾猖順干紀其
事勢則藉新令之未便思故國以效死非若歷年二百
列聖休養醲澤久被言乎將士則惟八旗禁旅腹心可恃言
夫財用則三吳膏腴盡屬於彼然而承疇士出漸定南紀勦
撫竝用雲散風靡西取獻忠南情荆揚殪滔天於一矢混同
軌於萬方洪爐鼓焰蕭斧勵芒威稜所薄莫抗顏行獨有桂

王竊號嶺外瞿何效忠定國翊戴游魂餘氛事機適會姜瓖
叛於北徼鄭氏擾於南界江右有聲桓之逆粵東有成棟之
倖兼獻孛之在蜀託桀犬之狺吠於是英王睿王復秉

廟謨同揮天戈更揚天桴秦晉旣敕荆梁用圖命鄭邸於專
闔資孔尙以前驅電掃邊徼摧廓無餘大舉之策決於洪吳
緬海窮追卒就囚俘於斯時也明孛之在外者旣由疆臣資
送入京推恩贍養威惠並行而阻山負澤之醜亦憖兵威駘
喙噤聲似乎殺運告葢區夏可平爰及

聖祖累洽重熙至仁育物與天媿慈而乃逆藩日肆天驕梗
化南服之塵更驚北征之牙重禡蓋我

聖祖安內攘外之功莫艱於三藩莫勤於

三駕後人席豐而履泰安坐而享成視天位爲固有薄四海

而靡爭烏知夫

聖神在位六十一年之中所櫛風沐雨宵衣旰食而撫之者蓋如彼其艱難而始奏肅清三藩之亂劇于明孽同惡相濟三方煽結其渠帥皆百戰之餘其起事皆天險之區其資給皆九州之腴其蓄謀造亂歷三紀而始發故一旦舉事悍若豺獮又有豎儒佻士惰游險詖者流沿明世之惡習以橫議訕上爲事利天下有事之徒假讖緯竊鞞鈴託占卜爭走其門道以覬覦吳逆旣叛於是曹李以黔附羅鄭以蜀從而耿尙延齡各以閩粵負嵎來嘉應賊於荆襄盧震棄城於湘湖數月而六省竝失蓋勢烈於三監而聲震於七國豈夫尋常盜弄青犢銅馬者流所可圖符又復起隆生變於肘腋布尼叛亂於藩方蔡祿煽而近畿賊輔臣叛而經略戕所以宰執

倡誅錯之議番僧請裂土以王中外岌岌竝虞非常

廟謨鎮定以勤以養方召韓白分總禁兵出圖海於秦隴命

岳樂於豫章遣傑書於浙右鎮喇布於建康秦晉豫兗荆鄖

汝皖皆宿重兵麾幢相望維襄漢之一隅實南北之中央當

凶鋒之所直乃專力以扼吭正兵布荆楚以鞏北奇兵道袁

臨以擣湘岳澧既復洞庭可杭元惡窮蹙頓死衡陽由是辰

龍楓嶺之險安籠石門之阻陽平白水之隘盤江鐵索之固

莫不氣折魂慄鳥駭獸俯佗佗藉藉蹙跋頓仆我師閒道采

入投鞭竟渡岳樂由湘以入黔賴塔披粵以取滇宏烈靖桂

良棟肅川既會兵於昆明奪三濠而獨先長圍築而寇窮遂

就俘於軍前粵則可喜忠靖本無異志阨於逆子毫而失勢

之信附滇光祖從焉既而徵兵命將盡奪事權二豎斯悔反

正乞憐仍持兩端執節不堅賴塔既入皆就執縛粵禍乃蠲
閩浙則李之芳之勇略傅臘塔之紀律扼衢州以山峙出土
木以電疾會耿鄭之交訂乃乘瑕而迅擊夫二憾狼狽聲勢
相倚耿既誅滅鄭亦旋圯方鄭之強兵利卒猖南擾全閩北
犯建康朝廷旰食莫之能攘及其末造窟穴於臺謀臣既殂
健將來歸啟聖督閩益事招攜清宮榜門其渠館斯臺人內
猜卒乃克之漠西不庭有噶爾丹凶狡樂禍貪若豺豕青海
既襲回部亦殘更涎喀爾喀之饒沃東踰阿爾泰山喀部者
與漠南相表裏爲國藩翰苟其聽之脣亡齒寒夫坐視天驕
聽其日強侵尋及我非明也羣部翦滅萬姓水火不爲弔伐
非仁也撫有中夏縱其逼近爲子孫憂非勤也保顛曰張皇
六師公旦曰詰爾戎兵我

聖祖慮之熟矣豈等夫開釁勤遠黷武窮兵乃集廷議下詔親征

三駕旣夙遂空北庭

初駕之出則有烏闌布通之捷輜重旣失虜氣已懾狂奔絕徼飢踣山疊

再駕則有昭莫多之功藩部貽書以誘致西師盡銳以殪戎威秉方略將帥和同勒碑絕域

天章有融

三駕之出狂寇遂除兵刃未接眾未交綏窮鱗困蹙遽伏天誅抑考疇酋之亡也親離眾叛財殫力痛腹心面懟以思亂種人伺閒以執俘疾風淫雨隨所止居一夕數驚如載睽車自知天亡仰藥以殂可知

聖人之用兵也契乎栽培傾覆之理以戢暴救民與天合符
況夫

聖神所照鏡燭犀剖明見萬里之外前知數世之後於時西
夷向化未有勃谿利器占象有若垂義我

聖祖以其精深巧密已謂中夏將受其害大哉

皇言詔萬禩而燭幽怪豈惟行軍之道夔絕而莫與齊南收
全臺北撫鄂夷取逢龍於鄂渚蕩一貴於海湄如執牢豕如
撫嬰兒威稜四薄張弛咸宜及夫

世宗之年湛恩汪濊鴻風滂洋邊鄙不聳多方漸康乃馴西
南取亂侮亡流土肇改番同用攘閒氣所鍾年岳鄂張

聖神馭將各盡所長耆定青海專任鍾琪雖有貴臣不得馭
之簡兵五千策馬萬騎方春而出掩其不備兼程迅發偵守